

## Hysbysiad Prosesu Teg – Adran Gofal Stryd

### **1. Pam rydym ni'n casglu'ch gwybodaeth bersonol ac yn ei chadw?**

Rydym yn casglu'ch gwybodaeth bersonol ac yn ei defnyddio fel y gallwn brosesu Cydsyniadau Priffyrdd a thrwyddedau.

Caiff eich data ei brosesu:

- Oherwydd bod gennym rwymedigaeth gyfreithiol i wneud hynny
- Oherwydd bod hyn yn angenrheidiol er mwyn cyflawni'r dasg hon
- Oherwydd bod hyn yn angenrheidiol ar gyfer buddiannau dilys

### **2. Sut caiff gwybodaeth amdanoch ei defnyddio.**

Bydd y wybodaeth a ddarparwch yn cael ei phrosesu yn unol â Rheoliadau Cyffredinol ar Ddiogelu Data 2016, Deddf Priffyrdd 1980, Deddf Llywodraeth Leol (Darpariaethau Amrywiol) a Deddf Ffyrdd Newydd a Gwaith Stryd 1991.

Mae'n ddyletswydd arnom i ddiogelu'r arian cyhoeddus a weinyddwn, a gallwn ddefnyddio'r wybodaeth a ddarperir gennych ar y ffurflen hon. Byddwn yn croeswiro'r wybodaeth gyda chyrrff, sefydliadau neu adrannau eraill yng Nghyngor Sir Penfro a Chynghorau eraill.

Byddwn hefyd yn gwneud unrhyw ddatgeliadau sy'n ofynnol yn ôl y gyfraith, a gallwn hefyd rannu'r wybodaeth hon gyda chyrrff eraill sy'n gyfrifol am ganfod/atal twyll neu archwilio/weinyddu arian cyhoeddus, er mwyn sicrhau bod arian yn cael ei dargedu a'i wario yn y ffordd fwyaf priodol a chost-ffeithiol. Er mwyn gwneud hyn, gellir rhannu gwybodaeth gydag adrannau mewnol eraill yng Nghyngor Sir Penfro a gydag Archwilydd Cyffredinol Cymru.

Ni fyddwn yn gwneud unrhyw ddatgeliadau i drydydd partïon at ddibenion marchnata.

Bydd eich data yn ddiogel ac yn gyfrinachol bob amser, a byddwn ond yn casglu'r wybodaeth bersonol sy'n ofynnol i asesu'ch hawl i gydsyniad neu drwydded

### **3. Am ba hyd y byddwn yn cadw'ch gwybodaeth?**

Byddwn yn cadw'r wybodaeth a ddarperir i ni yn unol â chanllawiau cenedlaethol neu atodlen cadw'r awdurdod, a bydd eich gwybodaeth yn cael ei gwaredu'n ddiogel fel y pennir gan ganllawiau cenedlaethol.

### **4. Mynediad i'm gwybodaeth bersonol?**

Gallwch ganfod a oes gennym unrhyw wybodaeth bersonol drwy wneud cais gwrthrych am wybodaeth o dan y Rheoliadau Cyffredinol ar Ddiogelu Data 2016. I wneud cais am unrhyw wybodaeth bersonol a all fod gennym, bydd angen i chi wneud eich cais yn ysgrifenedig a'i gyfeirio at:

Y Tîm Mynediad i Gofnodion

Cyngor Sir Penfro  
Neuadd y Sir  
Hwlfordd  
SA61 1TP

## 5. Eich Hawliau.

O dan y Rheoliadau Cyffredinol ar Ddiogelu Data 2016, mae gennych hawliau fel unigolyn y gallwch eu harfer mewn perthynas â'r wybodaeth sydd gennym amdanoch:

- Yr hawl **mynediad** – mae gennych hawl i ofyn am gael gweld gwybodaeth sydd gennym amdanoch ac i gael copi ohoni
- Yr hawl i **gywiro** – mae gennych hawl i ofyn am i'ch gwybodaeth gael ei chywiro.
- Gall yr hawl i **gyfyngu** prosesu fod yn gymwys - gallwch ofyn i ni roi'r gorau i brosesu eich data personol, fodd bynnag, gallai hyn oedi neu ein hatal rhag darparu gwasanaeth i chi. Byddwn yn ceisio cydymffurfio â'ch cais ond gall fod angen i ni gadw neu brosesu gwybodaeth i gydymffurfio â'n dyletswyddau cyfreithiol
- Yr hawl i **wrthwynebu** – nid yw hon yn hawl absoliwt, a bydd yn dibynnu ar y rheswm dros brosesu eich gwybodaeth bersonol.
- Yr hawl i **beidio â bod yn destun penderfyniadau a phroffilio awtomatig**.

## 6. Cwynion neu Ymholiadau.

Mae Cyngor Sir Penfro yn ceisio cyrraedd y safonau uchaf wrth gasglu a defnyddio gwybodaeth bersonol. Am y rheswm hwn, rydym yn cymryd unrhyw gŵynion a gawn ynglŷn â hyn o ddifrif. Rydym yn annog pobl i dynnu ein sylw os ydynt o'r farn fod ein ffordd o gasglu neu ddefnyddio gwybodaeth yn annheg, yn gamarweiniol neu'n amhriodol.

Nid yw'r hysbysiad preifatrwydd hwn yn rhoi'r holl fanylion am bob agwedd ar y ffordd rydym yn casglu ac yn defnyddio gwybodaeth bersonol. Fodd bynnag, rydym yn fodlon darparu unrhyw wybodaeth neu esboniad ychwanegol sydd ei angen. Dylid anfon unrhyw geisiadau am hyn i'r cyfeiriad isod:

Jo Hendy, Swyddog Diogelu Data  
Cyngor Sir Penfro  
Neuadd y Sir  
Hwlfordd  
SA61 1TP

E-bost: [dataprotection@pembrokeshire.gov.uk](mailto:dataprotection@pembrokeshire.gov.uk)

Ffôn: 01437 764551

Os ydych am wneud cwyn ynglŷn â'r ffordd yr ydym wedi prosesu eich gwybodaeth bersonol, gallwch gysylltu â Swyddfa'r Comisiynydd Gwybodaeth fel y corff statudol sy'n goruchwyllo cyfraith diogelu data:

Swyddfa'r Comisiynydd Gwybodaeth  
Wycliffe House  
Water Lane  
Wilmslow  
SK9 5AF  
Achos e-bost [worker@ico.org.uk](mailto:worker@ico.org.uk) Rhif Ffôn: 0303 123 1113

## 7. Newidiadau i'r hysbysiad preifatrwydd hwn.

Rydym yn adolygu ein hysbysiad preifatrwydd yn rheolaidd.